

gulis diebus quinquies orationem dominicam, simul cum salutatione vespertina. Reliqui vero ex prædictis Collegialibus, qui non tenebuntur dicere horas canonicas, recitent diebus dominicis vesperas defunctorum, & secunda, & tertia, quarta, & quinta ferijs vnum nocturnum defunctorum, cum suis laudibus secundum exigentiam feriæ, & feria sexta psalmos penitentiales cum letania, ac suis orationibus, & die sabbati, officium beatæ virginis Mariæ. Cameristæ autem, qui non fuerint sacerdotes, vel alias obligati ad horas canonicas, teneantur singulis diebus dicere officium beatæ virginis secundum exigentiam feriæ pro intentione. Super quibus omnibus, & singulis faciendis, & ad implendis, eorum capellanorum, collegialium, cameristarum, ac cuiuslibet ipsorum conscientias oneramus. Religiosi vero collegij beatorum apostolorum Petri & Pauli, singulis diebus, quibus celebrauerint, in monasterio Collegij, teneantur dicere responsum, cum collecta pro intentione iam dicta.

De processionibus, & sermonibus cæteris solennibus faciendis. XXX.

STatuimus insuper, quòd per singulos annos vltra processionem solennem, quæ annuatim fieri debet, pro Christianissimis Regibus Hispaniæ, & pro alijs huius Collegij, & vniuersitatis protectoribus, fiant aliæ duæ solennes processiones, in quibus conueniant, Rector, Regentes, Consiliarij, Capellani, Collegiales, cæteri omnes, & singuli Scholares de vniuersitate, vna videlicet in festo Annuntiationis, & Incarnationis dominicæ ad basilicam beatæ Mariæ del Valle. Sequens autem processio in festo sancti Nicolai, ad ecclesiam collegiatam sanctorum Iusti, & Pastoris. In quibus ecclesijs, omnes & singuli supradicti interesse teneantur, ad missam maiorem solenniter celebrandam, in qua Rector sermonem faciat, vel de prædicatore provideat. Quòd si in aliquo die prædictorum festorum, notabile impedimentum, vel aëris intemperies, aut imber appareret, mutabitur processio ad alium diem pro arbitrio Rectoris, & consilio magistrorum ac doctorum ipsius vniuersitatis. Et in vigilia prædictorum festorum conueniant præfati omnes in capella ipsius Collegij ad vesperas solenniter dicendas. Poterit etiam Rector vltra prædictas processiones, ingruente necessitate, vel alia iusta causa interueniente, commendare aliquam aliam processionem. Teneatur vero idem Rector publice denuntiare per Vedellum in scholis easdem processiones, & vesperas pridie antequàm celebrari debeant, ad quas, & earum singulas conueniant omnes prædicti, sub pœna præstiti iuramenti, & teneantur

antur omnes regentes, & magistri ac etiam bachalarñ formati huius vni-
 uersitatis, tam magistri, Collegiales, quàm alñ, his & alijs processionibus,
 & omnibus alijs actibus communibus interesse, & deferre in eis insignia
 suarum facultatum, alias in illo actu, & pro illa vice, non gaudeat loco
 sui gradus, & insuper si absque iusta causa hoc adimplere neglexerit,
 mulctetur pena vnus floreni auri, cuius medietas sit pro Rectore, & Con-
 siliarñs, & altera medietas pro Vedello, & ipse teneatur habere curam
 notandi absentias eorum, & exigendi mulctam huiusmodi. In modo au-
 tem incedendi in dictis processionibus, seruetur hic ordo, videlicet,
 quòd rector cum cancellario ad dextram, & decano facultatis theologiae
 ad sinistram incedat immediate post sacerdotem, & in absentia cancella-
 rñ, vel decani subrogentur antiquior, seu antiquiores ex regentibus in
 theologia, & ante sacerdotem, diaconus, & subdiaconus, & subsequen-
 ter immediate doctores theologi, & regentes actu incedant ordinati, &
 disposite in duos ordines, qui communiter in processionibus fieri con-
 sueuerint: ceteri vero bachalarij formati, & magistri artiũ, tam Collegia-
 les, quàm alñ de vniuersitate, incedant in illis duob' ordinib' præmissis qui sunt
 à dextris & sinistris. Sic tamen quòd inter graduatos præferantur illi, qui
 fuerint altioris gradus, vel qui fuerint antiquiores in eodem gradu. Et in-
 ter collegiales non graduatos seruetur ordo sessionum: in refectorio in acti-
 bus vero proprijs cuiuscunque facultatis præferantur magistri illius facul-
 tatis ceteris omnibus.

¶ *De infirmis curandis.* XXXI.

Quando contigerit aliquem ex Collegialibus, aut capellanis, vel fami-
 liaribus in Collegio infirmari, tunc ponantur infirmi, in loco ad
 hoc deputato pro infirmaria. Et antequàm necessaria eis pro corporum
 medicamentis ministrentur, medicum aduocent animarum, cui sua vnus-
 quisque possit confiteri peccata, vt sic postquàm fuerit infirmo de spiri-
 tuali salute prouisum, ad corporalis medicinae remedium, salubrius proce-
 datur. Et tunc in dicto suo loco, prouideatur eis de necessarijs iudicio me-
 dicorum. Et nec pro medicamentis, vel alijs quibuscunq; rebus non tenea-
 tur collegium soluere aliquid, vel recipere in computum, quod collegiali
 infirmo fuerit traditum à pothecario, vel quocunq; alio, nisi fuerit datum
 per cedula[m] Rectoris, & medici simul: teneanturq; medici præstare iura-
 mentum quolibet anno in manu noui rectoris, quòd tantummodo præcipi-
 dari infirmis ea, quæ sunt necessaria eorũ saluti, & sine quibus eorum infir-
 mitati

mitati consulere non possunt, & similiter, quòd tempore computatio-
nis faciendi cum apothecario, ratione medicamentorum tantummodo
mandabunt soluere, quæ iuxta æstimationem pro præfatis medicamen-
tis fuerit soluendum. Et vt sine fraude necessaria infirmis ministrentur,
volumus, quòd licet secundum tenorem nostrarum constitutionum om-
nes capellani minores debeant habere curam infirmorum, nihilomi-
nus specialiter deputetur vnus ex his, qui præcipuæ infirmorum curam
habeat, voceturque infirmarius maior, qui teneatur videre rationem, &
computum infirmarij minoris. Dispensator vero maior nihil possit reci-
pere in computum infirmario minori, nisi quod expensum fuisse appa-
ruerit per cedulas, nomine infirmarij maioris signatas, habita per eun-
dem infirmarium maiorem informatione ab infirmo. Et antequam infir-
mus notificet dispensatori maiori, quòd est in infirmaria ad hoc vt dein-
de sua portio, in ratione refectorij non ponatur, nihil ei tanquam infir-
mo possit ministrari. Statim vero, cum aliquis infirmus pharmacis, aut
Clysteribus vti voluerit, non possit in cellis, nec alibi quàm in dicta in-
firmaria curari, etiam si suis expensis vellet sibi prouideri, quod si alibi
quàm in dicta infirmaria, aut aliter quam in hac nostra constitutione di-
sponitur, datum, & in computum receptum fuerit, eo ipso, Rector, &
consiliarij pro prima vice incurrant penam trium florenorum, pro se-
cunda dupliciter, pro tertia amittant vestuarium illius anni. Inualecen-
te autem infirmitate alicuius, teneantur statim medici, admonere ipsum,
& referre Rectori vt reliqua ecclesiæ sacramenta, opportune suscipiat. Si
vero infirmus, aliqua graui infirmitate fuerit detentus, & petierit à Col-
legio extrahi: possit, iudicio medicorum, præstito prius ab eis iuramen-
to, & de consensu Rectoris, & consiliariorum id fieri, & tunc nihil eis
prouideatur à Collegio, & si contigerit, aliquem ex supra dictis ex infir-
mitate decedere sepeliatur in ecclesia quam ipse elegerit, sed si non ele-
gerit sepulturam, sepeliatur in ecclesia ipsius collegij gratis, & cæteræ ex-
pensæ exequiarum fiant de bonis ipsius defuncti, sed si fuerit adeo pau-
per, quòd non relinquerit bona vnde exequiæ possent fieri, tunc permit-
timus, quòd ex expensis Collegij fiant exequiæ, illius dici. Præterea, ad
sepeliendum quemcunque defunctum ipsius Collegij, siue quolibet alium
scholarem de vniuersitate teneantur omnes, & singuli collegiales, & capel-
lani, & scholares ipsius collegij, & vniuersitatis conuenire, quando cunque
per Vedellum de mandato Rectoris fuerit in scholis publice denuntiatum,
sub pæna præstiti iuramenti.

De tempore pestis. XXXII.

Quia nonnunquam secreto Dei iudicio pestis mortales muadit. Ideo
 statuimus quòd quando acciderit pestem, aut alium morbum con-
 tagiosum, in hoc nostro oppido de Alcala ingruere, collegiales, & ca-
 pellani possint se absentare cum debita licentia hoc pacto: Quod con-
 gregato claustro mittantur fortes ad eligendum sex præbendatos, & tres
 capellanos, qui remaneant ad custodiam domus cum omnibus fami-
 liaribus, si vero contingat aliquem esse absentem tempore huius sortia-
 riæ electionis, procurator talis absentis mittat fortes pro eo, si habeat
 procuratorem, sin autem assignetur ei procurator à toto claustro. Super
 quos ergo dictæ fortes ceciderint, teneantur permanere in collegio to-
 to tempore pestis sub pena expulsionis à Collegio, vel dare alios ex col-
 legialibus, qui remaneant pro eis, vel etiam ex capellanis præcise, qui
 etiam sub eadem pena expulsionis postquam acceptauerint pro alijs per-
 manere, teneantur in Collegio residere: si vero fors caderet super aliquem
 absentem ille vocatus tenebitur venire intra terminū sibi constitutū per
 Rectorē, & Consiliarios sub prædicta pena expulsionis à collegio tamē eli-
 gatur, antequam omnes discedant, qui remanere teneatur, donec ab-
 sens, qui fuerat per sortem electus veniat ad collegium, vel si prædictus
 absens nunquam venerit ille ipse qui fuerat electus in locum ipsius ab-
 sentis semper in Collegio remaneat, simul cum cæteris per sortem ele-
 ctis ad permanendum, reliqui vero omnes collegiales, & capellani præ-
 ter istos nouem electos poterunt impune recedere aut manere in Colle-
 gio, si voluerint, in quo qui permanserint, habeant facultatem melio-
 randi portiones suas sumptibus Collegij, & accipiendi omnia neces-
 saria medicamina ad salutem suam secundum exigentiam temporis. Sed
 si aliquis remanentium viam fuerit vniuersæ carnis ingressus, alij perma-
 nentes habeant facultatem prouidendi de illa præbenda, vel capellania,
 infra tempus, quod eis bene visum fuerit iuxta necessitatem Collegij. Et
 pro maiore fauore Collegialium permanentium volumus quòd non com-
 putetur eis totum tempus pestilentia in numero octo annorum, quos ha-
 bent pro suis præbendis, sicut computabitur alijs extrauagantibus, horum
 collegialium permanentium antiquior præbendatus sit Vicerector, & de
 alijs quinque tres antiquiores sint viceconsiliarij, nisi alias talia officia iam
 haberent, quia tunc remanebit vnusquisque in suo officio, absentes vero ta-
 li tempore nihil recipiāt à collegio teneanturq; etiam redire ad Collegium
 infra triginta dies postquam capitulum, collegiata ecclesiae sanctorum iu-
 sti, & pastoris huius oppidi reddierit ad residendum in præfata ecclesia, ni-
 si tale

si tale tempus absentia fuerit minus quam quatuor menses, quos habent ordinarie pro sua absentia, quia tunc licebit cuilibet defferre suum aduentum usque ad complementum ipsorum quatuor mensium, quos eis concedit, superior nostra constitutio, de absentia collegialium. Volumus tamen quod totum illud tempus, quo abfuerint à Collegio propter pestem computetur eis in numero praedictorum quatuor mensium, quos possunt habere quolibet anno, ita quod non conceditur eis aut alicui ipsorum aliud tempus à collegio, nisi quod superfuerit computato tempore absentiae propter pestem.

¶ De Collegijs pauperum. XXXIII.

Cum ex officio pastoralis praelatis incumbat pauperum necessitatibus ministrare, & illis praecipue debitores sint, qui virtutibus, & scientiae Animum suum applicare desiderant. Et quia frequenter contingit, quod propter necessarium penuriam, ab studio desistere sint coacti. Idcirco studiosis pauperibus subuenire cupientes, decreuimus, ultra hoc principale nostrum collegium (quod in honore domini nostri Iesu Christi, & eius genitricis virginis Mariae fundare curauimus) pro huiusmodi pauperibus scholaribus alendis, erigere etiam alia duodecim collegia, in honore duodecim apostolorum, in quorum singulis duodecim personae pauperes collocentur, qui liberalibus disciplinis & sacrae theologiae incubant: & similiter alia sex collegia in honore septuaginta duorum discipulorum domini nostri Iesu Christi, in quibus alij septuaginta duo pauperes, commorentur, quibus quidem collegijs, & pauperibus scholaribus ibidem commorantibus, praefatum hoc nostrum principale collegium sancti Iuliani, ex redditibus, & prouentibus, quibus illud, tam pro sua, quam pro praedictorum decem & octo collegiorum, & aliorum in posterum eligendorum sustentationem sufficientissime dotauimus, prouidere teneatur, iuxta modum & formam per nos in constitutionibus, pro gubernatione & regimine collegiorum, & scholarium pauperum praefatorum aeditis traditam cum redditibus praedicti nostri collegij adhuc pro ampliori numero suppetat, ut praemissum est, volentes insuper quod postquam fructus, & redditus eiusdem collegij, quos nunc obtinet, vel ex quibus titulo, vel causa in posterum obtinebit, excreuerint, reparatis prius domibus, & hereditatibus, ac vniuersis possessionibus ipsius collegij, & etiam domibus in quibus praefati scholares pauperes commorabuntur, quas integras, perpetuas, & bene constructas, ac exercitio literarum commodas, & dispositas esse volumus, & retenta insuper summa decem millium ducatorum auri, & sex milium fanecarum frumenti, & mille ordei pro necessitatibus eiusdem collegij prout dispositum est. Et postquam praefatis decem & octo colle-

collegijs per nos erectis, & eorum cuiuslibet fuerit datum, & solutū id quod iuxta tenorem nostrarum constitutionum eis tribuendum est. De residuo quod super fuerit ex super excrescentibus redditibus, & prouentibus præfati nostri collegij, ematur possessiones, & redditus: vt exinde erigantur alia collegia, & eis iuxta prædictum ordinē necessaria tribuantur. Ita q̄ immediate, postq̄ empti redditus suffecerint pro vno collegio teneantur illud erigere, & secundū ordinem iam traditū sustentare, & sic successiue in perpetuum. Et statuimus, insuper q̄ assumendi ad dicta collegia, per nos vt præmissum est erecta & in posterum erigenda, eligatur per rectorē, & consiliarios huius nostri collegij, exceptis presentandis ad præfata collegia per christianissimū regē Castellæ, & per reuerendissimū cardinalē sanctæ Balbinæ, & per reuerendissimum Archiepiscopū Toletanū, & per illustres ducē del Infantadgo, & comitem de Curuña, & per dominū benedictū de Cisneros, & per dominā Iuanā, & dominā Mariā de Cisneros nepotes nostros, & filios nostri Ioannis Ximenez de Cisneros, ac cuiuslibet eorū in domo & maiore ratu successores. Quos & eorū successores præfatos, Rectori & collegialibus presentibus, & futuris præcipimus, & cōmendam⁹, vt tā ipsos q̄ omnes alios de familia fundatoris dependentes, & cōsanguineos venerentur & colant. Et cū contigerit aliquē ipsorū ad collegiū diuertere, eum honorificent & reuerenter obsequantur. Necnon si aliquando acciderit, aliquē ex nostris cōsanguineis, ad aliquam præbendam nostri collegij principalis se opponere, indistincte sine aliqua cōtradictione admittatur, nisi aliquid obstat, quod sit cōtra tenorē nostrarū constitutionū, mandantes præterea Rectori, & cōsiliarijs, ac collegialibus, presentibus & futuris vt præfata collegia per nos erecta, & in posterum erigenda, & eorū scholares pauperes foueant, & cōseruent, ac fraterno amore prosequantur, & omnia in alijs nostris constitutionibus super his ædita, & cōtenta obseruent, & ab alijs inuiolabiliter obseruari faciant. Et insuper volumus q̄ nec Rector, nec cōsiliarij, nec totum claustrum possint aliquid statuere, decernere, vel ordinare, per viā statuti, vel quo vis alio modo, circa præfata collegia erecta, vel erigenda vel eorum personas, aut cuiusuis eorum quod tendat, vel tendere possit, quo uis modo in impedimentum studij, dictorum scholarium, & distractionem eorundem: alias ipso facto, sententiam excommunicationis incurrant, & quod decretum fuerit sit irritum & inane.

De religiosis in Monasterio Collegij recipiendis. XXXIII.

TAndem vt nostri collegij fructus, vberiores, in sacrum ordinem seraphici patris nostri Francisci perpetuo deriuentur. Ordinamus quod
in edi-

in edificio ipsius collegij, quod est contiguum monasterio beati Francisci, sint tredecim religiosi de obseruantia eiusdem ordinis, sacre theologiae, vel metaphysicae, aut philosophiae, vel logicae, aut summulis studentes, cuiuscumque nationis fuerint oriundi, quibus etiam liceat habere duos religiosos, qui eis in necessarijs deseruiant, licet alias ipsi sibi inuicem debeant ministrare nullusque praedictorum religiosorum admittatur in eodem collegio, nisi de licentia suorum praelatorum, videlicet cuiuscunque vicariorum generalis, vel prouincialis suae custodiae de obseruantia duntaxat, de qua licentia, per scripturam sigillo & manu alicuius ipsorum praelatorum subscriptam atque munitam, fidem faciat rectori, & consiliarijs, in qua testificetur de moribus, vita, & honesta conuersatione, & habilitate religiosi, qui fuerit praesentatus, quorum testimonio standum sit donec contrarium constiterit, & etiam concedat ei licentiam iurandi, quod obseruabit omnia, & singula in hac nostra constitutione contenta toto tempore quo permanserit in monasterio collegij. Et si contingerit, quod plures in simul praesententur, tunc arbitrio Rectoris & consiliariorum eligatur magis idoneus inter eos: sic quod caeteris paribus praerantur religiosi prouinciarum Castellae sancti Iacobi, & Bethicae, & de sancto iorio, & inter istos praeratur religiosus custodiae Toletanae. modus vero eligendi eos sit vocalis, & electores habeant principaliter respectum ad compositionem morum, & bonam habilitatem, & eruditionem, vt sic melius possint proficere. alijs verbo, & doctrina, & exemplo. Religiosus vero taliter electus poterit manere in monasterio collegij per quatuor annos. Vacante autem aliquo istorum religiosorum expectabit collegium per quinquaginta dies vt venire possint oppositores ex diuersis partibus, cuiuslibet autem horum tredecim religiosorum, & aliorum duorum sibi ministrantium dabuntur annuatim a collegio duodecim mensurae frumenti, quas vulgo dicunt hanegas dabunturque: Sedecim florini pro victu suo, & alijs necessarijs & tempus solutionis erit, quando salaria regentium soluuntur. Dabuntur etiam habitus, & tunica, & calcei, siue soleae, semel quolibet anno pro suo vestitu, & omnis habitus exterior sit semper de panno vili, qui vulgo dicitur sayal, & prouideatur eis de tensore: habebunt etiam a collegio lectos cum stramentis necessarios, in quibus more suae religionis honeste dormire possint. Et quoties aliqui ipsorum aegrotauerint, prouideat etiam eis collegium de medico & medicinis. Habeat praeterea isti religiosi coquinam in sua domo, pro cuius foco alendo & nutriendo, dabuntur eis per singulos annos octo florenni. Volumus etiam quod de numero ipsorum tredecim religiosorum sexta feria immediate ante festum penthecostes per singulos annos eligatur vnus guardianus, cui caeteri religiosi teneantur obedire, & ille habeatur pro guardiano cui plura vota praedictorum

dictorū religioforū, vel eorū qui tēpore electionis huiusmodi præsentes fuerint suffragetur etiā si nō fuerit elect⁹ à maiori parte omniū. Et si duo, vel plures a pari numero reperiant electi, tūc de illis tātūmodo q̄ fuerint in pari numero secundo fiat electio, q̄ si tūc nullus ad huc fuerit electus à maiori parte, vt præmissum est ne diutius præfata electio differatur, sorte inter eos dirimatur, ne vltra q̄ ad duo scrutinia in huiusmodi electione discedatur, & postq̄ sic fuerit electus, absq; aliqua alia confirmatione, possit suum officiū administrare & exercere, & durante tempore suorū quatuor annorū, si habuerit annum integrum ad permanendum in collegio, possit iterum eligi, ipse vero guardianus sit sollicitus in omnibus, & singulis, quæ ad vtilem, & honestam gubernationem, istorum fratrum studentium spectat. Et super omnia q̄ ita in literis proficiant, vt spiritum sancte orationis, & deuotionis non extingat: & si aliquando (quod absit) aliquis præfatorum religiosorum commiserit aliquid propter quod merito debeat incarcerari, vel expelli, detineat eum in carceribus, vel alias, præfatus guardianus, donec consulat custodem Toletanū, & ipsius custodis prælatum superiorem, si comodius possit haberi de cuius iudicio determinetur. Statuimus insuper, q̄ custos custodię Toletanę, vel prælati superioris dictę custodię, possint eos, semel dūtaxat in quolibet anno visitare, & corrigere, ita q̄ facta visitatione p̄ quęcūq; ipsorū nullus eorū possit iterare visitationem pro illo anno, excepto, quotiescūque Rectori, & consiliarijs collegij visum fuerit visitationem esse iterandā, nam tunc, ad ipsorum requisitionem poterit custos, vel eius superior iterare visitationem, & non alias. Et si in præfata visitatione, inuenerit aliquem ipsorum in literis non proficere, vel esse inhabilem, seu alias ob aliam quācunque iustam causam viderit eum esse amouendum, tunc de consilio Rectoris expellat eum à collegio, nec occupet locum alterius, super quo ipsius conscientiam oneramus. Statuimus præterea q̄ nullus ex prædictis visitatoribus, seu alius quicumque prælatus, possit quouismodo impedire præfatos religiosos à suis exercitiamentis literarum, nec eis iniungere, quòd vadant ad monasterium, sibi contiguum, vel alias quocunque modo, extra collegium euagentur. Sed si contigerit, quod aliquis eorum, à suis prælatis reuocetur, si vltra tres menses in vno anno fuerit absens, à collegio, eo ipso vacet locus ipsius, & nihilominus teneatur notificare Rectori diem sui recessus, & diem quo redierit, & illud faciat annotari, alias si notificatione non facta, vltra tres dies fuerit absens, eo ipso vacet locus. Iniungimus etiam ipsis religiosis, in actibus scholasticis, & in alijs licitis, & honestis quæ non sunt contraria in aliquo, suæ regulæ, & professioni, teneantur, se conformare dispositioni, & regimini ipsius Rectoris. Et etiā si aliqui illorum sint idonei ad disseminandum, verbum Dei, sermones quos

sibi Rector commendauerit cum humilitate acceptent, extra oppidum tamen non occupentur. Rector vero cum omni charitate eos amplectatur, & foueat statuimus, quod præfati religiosi conueniant in sua capella ad officium diuinum, & horas canonicas, tam diurnas quàm nocturnas in simul perfoluendas, quas legendo, & submissè, humiliter pariter & deuote, dicere teneantur. Diebus vero dominicis, & festiuis, aliquanto altius medio tono, sine aliqua tamen nota, sacrificium labiorum suorum Christo domino offerant. Et quoniam nostra præcipue intentio fundandi hoc collegium religiosorum fuit, ne tumultus literarij, & gymnastici exercitijs misceretur in aliquo, cum tranquillitate, & silentio monasterij. Idcirco volumus, quod si aliquando contigerit in monasterio beati Patris nostri Francisci, eidem collegio religiosorum contiguo, ultra duos, vel tres studio literarum, in quacunque facultate etiam grammatica vacare, eo ipso rector, & collegiales nostri principalis collegij non teneantur, præfato collegio religiosorum in aliquo prouidere: nec amplius præfati Religiosi in collegio commorentur, donec cum effectu, ab incepto studio literarum in dicto monasterio desistant. cæterum ordinamus, quod si aliquando in cõgregatione capituli generalis Cismontan. de obseruantia, visum fuerit presbyteribus capituli, quod per studiũ literarum huiusmodi præfati religiosi in aliquo impediuntur ab studio orationis, quibus principaliter deberent vacare, & idcirco patres capituli, vel si alias extra capitulũ vicarius generalis Cismontan. cum consensu prædictorum prouincialium istorum regnorum videlicet prouincialium Castellæ, sancti Iacobi, Bethicæ, & de Sanctoio, vel eorum maioris partis, aut præfati omnines prouinciales, per se decreuerint, vel ordinauerint, quod propter hoc, vel propter aliam causam, prædicti religiosi, ab studio literarum desistant, seu alias quouis modo præstiterint impedimentũ, quominus contenta in hac nostra constitutione in specifica forma adimpleatur, vel tentauerint in alium versus cõuertere, vel si post duos annos post vacationem cessauerint à præsentatione prædictorum quindecim religiosorum, vel eorum maioris partis, eo ipso occurrente quocunque ex supra dictis causis, ne nostro in totum frustreremur proposito: Præcipimus, quod Rector & collegiales teneantur ex tunc loco prædictorum religiosorum, in eodem collegio instituere, & collocare in perpetuũ duodecim capellanos presbyteros seculares, quibus ad instar aliorum nouem capellanorum minorum necessaria tribuantur, & ipsi similiter eidem collegio, sicut præfati capellani minores ministrare, & deseruire teneantur, qui in omnibus, & per omnia, tam in modo electionis, quàm in cæteris omnibus, in nostris constitutionibus contentis, sicut ceteri nouem capellani prædicti pariformiter astringantur, & ceseantur: & nullatenus futuris tẽporibus in perpetuum præfatis religiosi, sue alicui eorum aliquid

de

de omnibus, & singulis, quæ in hac nostra constitutione continentur, præfatum nostrum collegium præstare teneatur, ne quouis modo possit, imo eo ipso absque aliqua dilatione loco ipsorum præfati duodecim capellani (vt præmissum est) subrogentur, & instituantur.

De electione Regentium, & lectorum. XXXV.

Quoniam non parum refert hos, vel illos eligere ad regentias, & cathedras nostri collegij, & vniuersitatis, quum omnis fructus, & utilitas ipsius, in eo quam maxime consistat, vt magistri, & regentes ad docendum deputati, virtutibus, & literarum scientia, atque commendabili doctrina præfulgeant. Ideo nos volentes ad laudem Dei omnipotentis necessitati nostri collegij & vniuersitatis, & communi scholarium utilitati consulere, & prouidere: statuiimus, & ordinamus, quòd perpetuis futuris temporibus, vltra alios lectores, in cæteris facultatibus sint in præfato nostro collegio, & vniuersitate octo magistri regentes artium, & tres theologi, qui cathedras artium atque theologiæ præfate nostre vniuersitatis regant, & quia in eorum electione iuxta præmissa maxima debet adhiberi diligentia, vt sufficientiores, & magis idonei eligantur sine aliqua acceptione personarum, ideo volumus, quòd ordinariè per singulos annos in perpetuum eligantur duo regentes, proxime post festum sancti Francisci, qui legant summulas logice, quorum vnus legat intra nostrum principale Collegium, alter vero in alia parte Collegij vbi est theatrum, vel in aulis compluuij cameristarum, prout Rectori & consiliarijs visum fuerit expedire. ad quas regentias summularum volentes se opponere, teneantur se præsentare coram Rectore ipsius collegij, & vniuersitatis, ante diem prædicti sancti Francisci: Ita quòd semper ante vigiliam sancti Lucae singulis annis sit facta prouisio vtriusque regentia summularum, nec vltèrius possit vllatenus differri. Et vt euitentur fraudes, quæ in similibus fieri solent, teneantur oppositores præstare iuramentum, se non subornasse nec circumuenisse, aut sollicitasse aliquem ex electoribus, nec subornaturos, aut sollicitaturos in posterum per se, aut per interpositam personam, directe, vel indirecte publice, vel occulte aut alio quouis quæsito colore, vt per eis, & in ipsorum fauorem aliquo modo votum præsent, & quòd si id ab aliquo fieri, ad eorum notitiam peruenerit, illud impediunt, & totis viribus resistent, & iurabunt etiam de non desistendo ab oppositione. vt autem huiusmodi electiones liberius fiant, volumus, quòd cum aliqua ex regentijs vacauerit, à die qua aliquis ad eam se opposuerit, donec prouisum sit de eadem, nullus ex oppositoribus, aut regentibus tam Artium quàm theologiæ, aut alterius facultatis

32
cultatis possit deambulare per Collegium, durante dicto tempore alias
quicumque contrarium fecerit, siue sit ex habitantibus in collegio, siue ex-
tra, eo ipso incurrat pro qualibet vice penam decem florenorum, archæ
Collegij applicandorum. Et sequenti die post festum sancti Francisci, idē
Rector cum Consiliarijs ipsius, Collegij, & vniuersitatis, deputent sin-
gulis oppositoribus, vnum vel duos dies ad legendum successiue, & assi-
gnent singulis oppositoribus, duas lectiones, oppositionis de principijs
summularum, quas viderint ipsos scholares, qui debent vota præstare
melius intelligere. Quas legant oppositores cum suis quaestionibus, & re-
parationibus, modo Parisiensi inferius explicando. Sed si aliquis qui non
fuerit graduatus in hac vniuersitate, venerit ad se opponendum, vt de
eius eruditione, & sufficientia possit constare, vltra præfatas lectiones op-
positionis teneatur etiam legere, alias lectiones de summulis, logica, phi-
losophia, & metaphysica, prout Rectori, & consiliarijs visum fuerit, de
materia qua ipse oppositor elegerit, & hoc infra terminum oppositionis,
ne propterea prouisio regentiæ differatur. Quibus lectionibus interfunt
magistri theologi, & artistæ non habentes eodem tempore lectione, vna
cum Rectore, & Consiliarijs, ac scholaribus, qui necessario sint audituri
prædictas summulas, eodem anno, finitis vero lectionibus oppositorum,
teneatur Rector conuocare, & tenere claustrum cum eisdem consiliarijs,
& ibidem admonere ipsos scholares, vt attentius considerent, quem ex
oppositoribus eligere debeant, cum necessario, ab altero ex duobus qui
fuerint electi, sint audituri summulas, & cætera, quæ requiruntur ad cur-
sum magisterij per tres annos, & quatuor menses perficiendum, & alia
huiusmodi eis dicere, quæ viderit expedire ad hoc vt liberius, & melius
eligant. deinde recipiat à singulis illorum sigillatim iuramentum, super
signum, sanctæ crucis, & sancta Dei euangelia, & sub vinculo præfati
iuramenti interroget eos, & quemlibet eorum si fuerint subornati, aut
circuuenti per aliquem ex oppositoribus, vel aliam quancunque per-
sonam, ad hoc, vt alicui ex oppositoribus præstent votum suum, & si
aliquis eorum manifestauerit, se fuisse subornatum, aut circuuentum,
exprimat personam, & nomen illius, qui eum subornauit, & qualiter,
& in cuius fauorē, videlicet si fuit inductus precio seu precibus, aut minis,
aut alio quouis quaesito colore, & si declarauerit, vel alias constiterit, se
recepisse quodcunque precium, vel munus, aut acceptasse aliquam pro-
missionem, vt præstaret votum suum, tunc vltra penam inhabilitatio-
nis, ad quamcunque electionem actiuam, vel passiuam, quam ipso fa-
cto incurrat, expellatur ab vniuersitate, & si fuerit de habitantibus in-
tra Collegium, expellatur à Collegio, & vniuersitate, & insuper arbi-
trio

rrio Rectoris, & consiliariorum pro qualitate criminis acrius puniatur, & hoc idem omnino seruetur in quocunque subornante, siue fuerit de oppositoribus, siue quicumq; alius, vt videlicet, q; etiam si solis precibus subornauerit, expellatur à collegio, & vniuersitate, sicut dictum est. Et insuper arbitrio Rectoris, & consiliariorum, vt premissum est, puniatur. Sed si fuerit aliquis extraneus qui non sit de vniuersitate, ipso facto, sententiam excommunicationis incurrat, à qua non possit absolui nisi per Rectoré, & satisfactione præmissa. Si vero affirmauerit, se non recepisse aliquod precium, vel munus, nec alias moueri ad præstandum votum suum per subornatione sibi factam, sed quòd secundum Deum & bonam conscientiam, iuxta tenorem, huius nostræ cõstitutionis præstabit votum suum, tunc admittatur eius votum. Oppositores vere, qui nec per se, nec per interpositam personam, nec alias quouis modo subornauerint, nõ efficiantur inhabiles, cæteris constitutionibus punientibus subornationes, etiam ipsis oppositoribus ignorantibus, tam in electione ad officium rectoriæ, & consiliariatus, quàm ad præbendas, & ad quæcunque alia officia Collegij, in suo robore permanentibus. Et insuper Iurabunt præfati scholares, quòd omni odio, amore, & fauore postpositis solum Deum præ oculis habentes, & vtilitatem Collegij, & vniuersitatis, ac ipsorum profectum considerantes, præstabunt vota sua sufficientiori, & magis idoneo, & ei ex quo maiorem in scientia fructum, & vtilitatem se sperant consequuturos: & quòd sperant se audituros per totum illum annum, ab aliquo ex lectoribus, qui fuerint electi, & approbati: in regentes præstito aurem huiusmodi iuramento, in continenti Rector det singulis scholaribus prædictis cedulas nominum, & cognominum omnium, & singulorum oppositorum ex quibus vnusquisque eligat vnicam quam maluerit, & reponat eam secreto in loco ad id designato: Reliquas vero, quas reiecerint aperte fecent, vel reponant eas in loco, etiam ad id deputato, vt omnis fraudis occasio prorsus tollatur: Receptis vero votis, modo præmissis statim idem Rector, & Consiliarij præstito prius iuramento, quòd non reuelabunt vota, quæ vnusquisque oppositorum habuerit, nec declarabunt quis ex duobus electis à maiori numero fuerit electus, scrutentur cedulas, & illos duos approbent in regentes, quos inuenerint à pluribus electos, nulla habita ratione, vel respectu ad qualitates regentium, & electorum: quòd si fuerint in equali numero sorte inter eos dirimatur, electis vero duobus regentibus summularum, vt præfertur, vt summulistæ plenius possint informari, sub quo ex eis magis proficiant, statuimus quòd summulistæ præsentis tẽpore electionis habeat triginta dies primo sequentes, & qui postea venerint, habeat etiam alios triginta dies, à tẽpore sui aduentus computados, in quibus